

限某日某時押起五方社令靈雷當境城隍
十廟英烈神祇里城王者嚴行號令明正典
刑震靈靈之飛章敵兇頑之魔黨靈威滅莫
太乙收寇掃蕩鬼營恢彰道化上明
天信下救生靈坐運凡遇祈禱災穰役召萬

拜如意感格廢使大道闡揚威風振厲祈禱
即便會合斗府上藥靈官功曹騎吏只今徑
下患身安鎮鬼神蕩除邪氣升降水火保固
元陽務令諸證頓消截日平復庶使真風廣布

大道興行常告即便會合斗府解厄靈官功

曹騎吏特與解除萬禍保合太和慧災害以
無侵俾官非而消殄四時迪吉五福攸同干
冒宸威臣下情無任激切屏營之至謹奏

次存見天母又將所奏心章詳視却於心
章誓符上書一允字敕付使者報應施行

師即拜謝畢從元路出存見使者領諸雷
神自後隨我來聽命元神立於珠口中入
自頂門降落丹田復歸偃月爐促九脉之
炁然後下座如稟告則於存天母詳章允
章所奏時念心呪七徧內占內外動靜吉

凶然後禮謝仍詣應靈官認本命斗官却
亦依前式口奏祈恩施行至如急告等事
只告天母足矣蓋天母乃北斗之母母行
子安有不允從者也事畢即叩頭禮謝再
三然後宣召使者祈禱則行符撒役發報
應稟告則行符水役發治病此法未有不
應者至簡而捷惟在至誠報應可必非如
他法之錯綜難行者之可比也

道法會元卷之八十五

道法會元卷之八十六

先天雷晶隱書

廣四

祈禱行持

伏以大道難名孰起方隅之限真元純若本
無清濁之分今將契妙理於先天必合斂神
機於萬有庶使邪魔東首道炁長存少彰一
動一靜之闢用假五炁五行之水至大无外
何妖不摧謹請日華流晶月液淨光羅刹功
曹通真使者靈寶符命神吏九鳳破穢仙官
解穢局中一行官將各各運玄初之水軸起
天外之息波助我行持蕩除魔穢甜水也德
冠五行功滋萬物為九天之雨露作四海之
波濤聖人出而黃河清王道平而泉源湧通
洒法壇內外掃除魔穢清明一滴纔沾十方
俱索真科有呪護用宣揚

衆誅淨口呪淨身呪法師默呪云

道祖一炁大梵飛騰清華景明與道合真急
念如

元始上帝律令

呼中宮祖炁衝天門却誅淨天地呪至中

山神呪即叩齒念

摩尼黑歷赤虛鳴

口誦為中山神呪手書水中為元始玉文

洒淨然後取天門金无燕單壇念呪曰

金光掣電叱

存天門金光鬱勃中有一字金書然後召

功曹傳奏

出乎震齊平莫陰陽不測之謂神順乎天應

乎人來往無窮之謂聖元始一炁都督雷府

行壇焚香告召雷司直日奏事功曹使者直

日傳香奏事神員當境土地里域正神恭頌

雲生足下鈞佩腰間繞聞召請之音即降雲

壇之下適伸板請想沐來臨情悃披宣惟神

聰聽寔憲向伸情悃已對披宣諒沐聰明諱

聽而往仰頌傳茲情悃啓奏

帝真師尊雷靈雨部十方三界四府萬靈普

降雲壇鑿茲祈禱毋違頃刻速為通傳吾在

行壇立候回報

師長跪三上香啓聖

伏以天鑒不違厥靈濯濯帝臨母一夕惕虔

虔捨土傾心披雲稽首具位正恭誠惶誠恐
稽首頓首再拜謹運真香遙空上啓

帝師先天無極大道生一始祖太易水火鴻
濛混沌元陽上帝浮黎元始天尊祖師先天
混沌自本自根生天生地生佛生仙太初玄

元鐵師上帝先天太極開明三景黍珠說法
無量度人掌教萬法天師太上開天執符御

曆含真體道金闕至尊玉皇上帝南極勾陳
天皇大帝北極星主紫微大帝承天效法后

土皇地祇聖師高上神霄玉清真王長生大帝
東極慈尊青華大帝九天應元雷聲普化天

尊九天雷祖大帝上清紫微碧玉宮太乙大
天帝六天洞淵大帝淶波天皇帝君可韓司

丈人真君九天採訪使真君梵炁法主斗罡
天后摩利支天大聖北斗九皇星君南斗六

司星君東西中三斗星君天罡大聖主雷真
君河魁大聖主寔真君三元三品三官大帝

北極天蓬天猷翊聖三天上帝萬法教主玉
虛師相玄天上帝三天扶教泰玄上相真君
太極仙翁天機使相真君高明大使天樞內

相真君命書雷靈三省使相真君雷靈玉府
判府真君玉府左右侍中真君左右僕射真

君天雷上相真君玉樞使相真君斗樞上相
真君上清司命玉府右卿五雷院使真君雷靈

都司元命真君諸司府院主法高真玄門傳
道華陽正陽純陽帝君海蟾紫陽杏林真人

紫賢泥丸海瓊真人雷霆啓教火師白洞靈
安真君金闕侍宸靈惠沖虛通妙真君三十

代天師虛靖玄通弘悟真君先天風雷雨部
尚書一元無上真人祖師上官二三弘道先

生祖師高明君洞明大法師宗師雲中散仙
顯萬真人諸階道法古今傳道授業歷代宗

祖經籍度師列位真人一炁分真主雷炎帝
天君一炁節制主壇青帝天君一炁掌令雷

霆飛捷使者嘯命風雷使者太乙鐵甲使者
神霄驅雷霹靂程元帥九州烈雷將使者先

天五炁雷神五方蠻雷使者五方斬劫使者
五方妖雷使者四聖雷神神霄三十六司雷
神地祇三十六院雷神七十二司殺伐官將
直率真節雷神三五邵陽八靈八猖一切雷

神先天三五火車鐵面雷公王元帥天心地
司起熱猛吏太歲殷元帥雷府管打不信道
法伐邪五朱將軍神霄如意玄壇趙元帥都
都忠勇戰魔關元帥地祇昭武溫元帥其靖
行壇合壇天雷鄭徽諸司官將助道護法正

神史兵地水嶽瀆真宰山川溪源潭洞龍神
本府本縣城隍本里社令主者諸官十廟迎
風接雨神祇衛壇傳奏直日香官功曹騎吏
盡虛空法界無量聖賢恭望

洪慈俯垂降鑒伏想寂無所寂感而遂通玄
之。又玄洋洋乎如在超越先天一炁之外不離
三壇同壇之中與世推移知臣感戴先靈實
座次獻香茶

恭惟先天無極主法高真惟時上帝發先天
元極之玄機澤于下民裸大地長春之黑黍
以介景福允執厥中無任寅恭開壺初奠
恭惟先天啓教諸大師尊伏聞清為聖濁為
賢薄真祭天之美祿師所存道所守庸叨清
物之殊恩祀事孔明懋敬厥德少淹師馭亞
奠拜陳

恭惟雲壇係叩一切靈祇伏聞三杯通大道
秉救世之樞機一炁轉洪鈞合回天之造化
心乎愛矣神其享之無任恭虔酌陳終獻
伏以仰大德之恢恢道則高矣布小心之翼
翼天必鑒之輒控丹衷上干玄造臣今奉為

其鄉貫其人 投詞伏為本境自某月以來雨
澤愆期亢陽為虐田疇乾涸禾稼焦萎眾志
憂惶無方控告投匭臣行持祈求雨澤事臣
領詞難抑法在濟人謹卜良辰恪遵師範發
行墨牘請降天恩擇地建壇召雷致雨今當

登壇告行符檄委命
先天一炁五雷飛捷報應張珏使者副帥張
雲張亞五方雷神合屬官將承傳號令依應
施行未敢擅專先當塔敬重念臣身居五濁
道隔兩塵是為末學之夫罔究先天之旨輒

陳懇款全賴提撕願憐下土之生靈俯降上
天之眷命玉音攝悉俾凡軀而與道合真王
言如綸命雷神而從人所欲廣施利濟即賜
感通臣下情無任祈恩請命之至謹啓以聞
師變神步罡眾誦金光呪法師依法召將

及城隍社令等神

行壇有令雷厲風飛帥將效靈雲屯霧集元
始一炁都督雷府飛符號召先天一炁五雷
飛捷報應使者張珏副帥張雲張亞五方靈
雷使者馬營林郭元京方仲高鄧拱辰田元

宗五方斬勘使者蔣剛輪畢機華文通雷歷
陳石雷公江赫沖雷母秀文英風伯方道彰
雨師陳華夫神霄三十六司雷神地祇三十
六院雷神梵炁雷部合司官將天心地司主
起然太歲殷郊主將先天三五火車靈官王

善雷府伐邪巫朱熒玄壇趙朗鄭都關羽地
祇溫瓊合壇諸司官將城隍里杜山川溪源
潭洞龍神雲壇受事合干神吏闍令符召雲
集壇前向伸宣召使者雷神合屬官將既已
到壇暫駐威光聽令命令輒陳凡禮少款神

游清酌前陳伏惟敬受恭惟先天一炁飛捷
使者五方雷部威神元始祖劫太極先天自
一炁以分真統萬靈而節制居九天輔玄之
位位列神霄尊五雷飛捷之名名標勝谷總
玉清之化炁實金闕之真仙一體三身千變

萬化排空馭炁想雷部之威儀醮水饋花按
仙經之軌則輒陳清酌少餞皇華稽首投誠
開壺初獻

雷聲普化道系長存化形十方如彼銀河之
水擲火萬里燦然金鉞之光運一炁於先天

濟羣生於大地顯揚法化嘯命風雷雨陽則
應念感通邪鬼則聞名殄滅飛行捷疾普願

弘深顧我無明德之馨賴神以克誠之享欲
破除於萬事須更盡於一杯瞻望感光舉行

二真

○大道無名生天地而運日月乾元資始潤風
雨而鼓雷霆顧一炁之威神領九霄之主帥

身騎木犴騰火雲而敕召雷神體合金烏跨
水界而鞭驅龍鬼位居中上職掌西臺惟將

聖以符靈想心通而法過三杯通大道真持
鑒於誠心一氣轉洪鈞諒旋於造化不愧

再三之瀆金資六之靈無任虔誠酒行三獻
恭惟主將先天三五大車玉元帥神霄猛吏

玉府雄兵手執金鞭受命三清降鬼崇腰懸
龍索宣威九地救生民綠靴風帶護身形雙

目火睛耀天地紅袍罩體穿山破石捉邪精
怒髮衝天走火行風扶道法統百萬貔貅神
將號三五大車雷公頌扶法力救衆生望把
誓盟聞上帝收瘟攝毒起死回生拷鬼攝亡
三界大魔咸拱手誅增夜廟十方外道悉皈

依無任寅恭舉行四奠

恭惟諸司帥將各部吏兵功在帝庭職遷帥
闡英雄忠毅之氣凜凜尤存威嚴剛烈之風

洋洋如在神馳碧落志在蒼生劍肅秋霜弓
開夜月或騎龍跨虎或厲風鞭霆名高二院

三司威攝五嶽四瀆束縛六天九醜馘剪十
洞妖魔雨施雲行風飛雷厲助天地而育物

同雨露以滋生奉帝命佐吾增肅天威揚汝
職輒陳菲禮聊效芹誠再舉芳樽滿斟終獻

衆誨經呪

向伸薦獻諒沐飲沾符檄宣行雷神采聽

宣檄牒

所行符檄告下已周從騎錢科隨檄化獻化
財真呪謹用宣揚

物稟一炁神化無方呪以為財燦爛星光神

仙洞府求作佳祥

伏請一炁飛捷使者五方雷部威神領此凡
儀即登雲漢靈輦雷制雷彰萬里之威風執節

捧符傳一聲之號令普告三界周迴十方咸
施利濟之仁立俟感通之報

當職專先天號令之權司雨陽祈禱之事抽
闕起鑰濟物利人帥將速整雲車修持器械

布雲雷火車之陣行風雲電電之車頃刻三
天須臾九地署魔王於瞬息驅早魃於斯須

致雨濟民乃雷霆之本職承文辦事實帥將
之常儀欽承吾命毋輒故違

嗚呼天雷神地雷神陰雷響陽雷鳴唯吾
命速登程急急如律令

次步發遣

次步發遣



步畢畢喚水雙手雷局打發運祖炁出成
黑雲存使者雷神轟雷擊雷駕風乘雲布
雨滿空飛騰而去次念

嗒嘛哩嚩吽婆訶使者奉

天母救速去速來明彰報應疾

下今一聲於此後作用九宮取報應

九宮作用

此方下三 神呪召役 此方念道祖

坤念三十六 萬神與雲乾 騰青華景助

一符打入 致雨仍依乾 用全書月號

依法作用 興雲 於其上 此方作用水

離 掩閉陽光 總雜雷聲 此方作用水

作用存適中 天黑雲旋 作用口受 此方作用水

巽 此方召祈 運用第一 此方整切合

符水起風 震之取報應 萬事收恩

右取報應畢再拜焚香禮謝祝曰

具位正恭謹運真香恭伸上謝

先天法主無上高尊金闕至尊玉皇上帝南

極北極后土宸尊神霄真王九宸帝君摩利

支天斗罡天后日月星斗萬象列真三元帝

主四聖真君祖師泰玄都省真君諸階道法

主法高真雷震啓教火師真君祖師侍宸通

妙真君祖師嗣漢虛靖天師祖師一元无上
真人祖師上官二三真人祖師瓊瑤明道真
人宗師慧頭顯高真人諸階法派傳教師尊
欽火都督一炁雷神火車靈官滅巫大將馬
趙溫關四大元帥太歲神君合壇官將山川


潭洞靈跡龍神城隍里社附近廟神三界官
屬一切主宰咸望洪慈俯照謝悃臣上來請
願恩命告行符章策役雷神祈求雨澤幸圓
法事仰荷主盟報具謝表珍希感應伏願誕
以帝德作之君師俯原冒瀆之愆即賜感通

之惠雲行雨施滋品物以咸亨將聖符靈俾
功勳而克就瞻梵炁無來而無去賴聖人有
始以有終專候周隆當伸靈餞志心稽首緝
念雷聲普化天尊金庭宥過天尊法緣常濟
天尊不可思議功德


法師退壇復神如法
祈禱三層壇式

十

祈禱三層壇式



陰包陽壇式



道法會元卷之八十六